


Broj:647-1/26

Sarajevo, 02.04.2026. godine

**Bosna i Hercegovina****Federacija Bosne i Hercegovine****Skupština Kantona Sarajevo****Zastupnička inicijativa – Sebija Izetbegović, zastupnica u Skupštini KS****PREDMET: Odgovor na zastupničku inicijativu za uspostavljanje punktova turističke policije u centralnim turističkim zonama Sarajeva**

Poštovani/a,

Turistička zajednica Kantona Sarajevo u proteklih godina kontinuirano je inicirala povećanje prisustva policijskih patrola tokom ljetne turističke sezone, naročito tokom jula i augusta. Prema informacijama i povratnim reakcijama turističkih radnika s terena, navedene aktivnosti rezultirale su vidljivim poboljšanjima u sigurnosnom segmentu, posebno u pogledu smanjenja broja džeparoša u centralnim turističkim zonama Starog Grada i užeg jezgra Sarajeva.

Turistička zajednica KS ostaje u potpunosti otvorena za saradnju i razmatranje svih inicijativa koje doprinose unapređenju ukupne turističke ponude i sigurnosti, te stvaranju kvalitetnijih uslova za boravak turista u Kantonu Sarajevo.

U cilju pružanja pravovremenih i kvalitetnih informacija, Turistička zajednica KS trenutno upravlja turističko-informativnim centrima na tri lokacije: Baščaršija, Međunarodni aerodrom Sarajevo i Hadžići. Ovi centri rade svakodnevno, a u njima su angažovani educirani i stručni kadrovi koji, pored informisanja posjetilaca, kontinuirano provode ankete i prate stanje na turističkom tržištu.

Također, u narednom periodu planirano je otvaranje dodatna dva turističko-informativna centra na području općina Centar i Ilidža, imajući u vidu značajan broj posjeta ovim lokalitetima. Novi centri će, kao i postojeći, raditi svakodnevno, s posebnim režimom rada u ljetnim mjesecima kada je, zbog povećanog intenziteta turističkih kretanja, organizovan rad u dvije smjene kako bi informacije bile dostupne tokom cijelog dana.

U kontekstu savremenih trendova digitalizacije, Turistička zajednica KS putem Službe za odnose s javnošću i informisanje osigurava kontinuiranu dostupnost informacija putem zvaničnih digitalnih kanala, prvenstveno društvenih mreža visitsarajevo.ba, koje su turistima dostupne 24 sata dnevno. Na taj način omogućeno je pravovremeno odgovaranje na upite i pružanje podrške turistima u svakom trenutku.

Turistička zajednica KS otvorena je za saradnju te će i u narednom periodu aktivno učestvovati u inicijativama koje imaju za cilj unapređenje sigurnosti i kvaliteta turističkog iskustva u Kantonu Sarajevo, uključujući i razmatranje modela dodatnog institucionalnog jačanja sigurnosne infrastrukture u turističkim zonama.

S poštovanjem,

Turistička zajednica Kantona Sarajevo
Predsjednik
Turistička zajednica Kantona Sarajevo
Dr. sc. [Redacted Signature]